

bus, partim miracula, partim veritas prophetae; quae conciliant auctoritatem inter nuncio loquenti. Haec autem testimonia à nobis vel *αὐτοψία* vel testimonio omni exceptione majori cognoscuntur; quae conciliant notitiam & inexcusabilitatem audienti.

XXIX. Patet esse dogma certitudinis Catholicae atque adeo verbum Dei, quicquid in scripturis definitum est. Est autem definitum in scripturis primò quicquid iis *αὐτολεξεί* sive ipsis dictionibus (ut loquitur Irenaeus lib. 2. cap. 46. & passim) continetur: Secundò quicquid per consequentiam Catholicam (hoc est à nullo saltem naturaliter sano negatum; propter æquipollentiam evidentem verborum, aut aliam manifestam connexionis vim) ex scripturis deducitur.

in scripturis.

XXX. Sic igitur habemus primum gradum revelationis & certitudinis catholicae, qui iis libris de quibus non scimus ab ullo unquam Christiano & pio dubitatum esse, competit: & omnibus quae in iis scripta ac tradita sunt. Quae ratione tamen non negamus Epistolam Jacobi, aut alios quosdam libros de quorum auctoritate à nonnullis piis aliquando dubitatum fuit: aut sententias quasdam controversas, verè divinas esse. Tertium gradum notitiae ac certitudinis in his diversis

i. necessaria
maximè ad
ad nō negandum.

sum